

足利於立腿利於行此其常也腿足之能事也苟或矜其足力而加之以跛雖立危矣焉能常立更或恃其腿力而加之以跨雖行艱矣焉能遠行此亦猶夫視而明者一自見則反不明學而彰者一自是則反不彰擁有功者一自伐則反不見功澤可長者一自矜則反不能長矣驕盈之害大類如是其於道也餘食贅行仁見為仁物或惡之念起是病不續是藥故有道者不處也不怕念起惟恐覺遲

又曰由是以觀道尚平易不貴隱怪總以適中為主所謂君子中庸也譬如飲食適可則作息自如多食是為有餘而反傷脾胃矣更如行走以輕便為快設使多帶重贅之物則身

道藏輯要

道德經解

七

心集一

體不便而轉艱於攸往物或惡之者言此二事皆眾人之所惡有道之士則亦焉能取是哉

象元章第二十五

有物混成

混沌開先

先天地生

萬化生乎身

玉華帝君注曰此物字指道而言混渾也先天地生言先天地而有而天地即生於其中也是即道生天地之謂

寂兮寥兮

湛然常寂

獨立而不改

超然常存

周行而不殆

運化無窮

可以為天

下母

養育羣生

又曰凡物有聲道無聲也常寂然焉凡物有形道無形也常寥然焉惟其寂寥故能獨立無所依附而未有天地之先及

既有天地之後彌綸布濩莫之變改周流於前古後今奉行
者第見其善不見其殆此道所以為天下之母也乎

吾不知其名不可形容字之曰道因物立名強為之名曰大道無邊大曰逝

無著逝曰遠無盡遠曰反收拾歸來

又曰渾沌太無道何所名乎吾不知其名也而第見萬物皆
由之弗越則亦字之曰道而已又見天地皆生於其中萬物
總無以加之大何如也則不得不強為名之曰大道矣道既
大則未有不逝者逝者如斯亦同此意積新成故由故返新
往者有來來者又往皆所謂逝也道既逝矣而有不遠乎遠
曰反者言道雖大而逝雖逝而遠苟能反而求之吾心則道

道藏輯要

道德經解

三

心集一

即是在是何大且遠之有

故道大太虛無象天大同乎無始地大同乎無終王亦大參天兩地域中有四大而

王居其一焉上無復色下無復淵人法地牧養品類效坤德也地法天容載

萬物承天施也天法道生成宇宙助道化也道法自然清靜虛無因自然也

又曰庸流昧於道本只知世上有三大曰天也地也王也而
不知域中有四大焉苟由本以推之末由流而溯其原則王
人雖大且必取法乎地地與雖大且必取法乎天天可謂大
無外矣而亦必取法乎道道雖大無外矣而作為者非道自
然者乃道也故道亦必法乎自然自然之道無形無聲無朕
無為不可以名者也名之曰道曰大猶是強而已矣